

## Yeshua, Esun Ungi di Israel i Juda; Su Skohí!!!

Awor aki den 2020 Israel i Juda Su Kurason ta Bendishoná ku e Dios di Pas i Poder. David a hasi henter e Boluntat di Dios. Yeshua, Su Kurason ta pa esnan ku ta hasi henter e Boluntat di Dios. (Mateo 7:21).

**Yeshua: e Lei, e Enseñansa di Dios Tata!!!.**

Pesei, asina Señor DIOS ta bisa: "Mira, Mi ta pone un Piedra na Sion, un Piedra Probá, un Piedra di skina Presioso, un Fundeshi Firme; esun ku Kere den Djé lo no desmayá of keda desapuntá. (Isaias 28:16 & 1 Pedro 2:6).

Pasobra abo ta un pueblo Santu pa SEÑOR bo Dios; SEÑOR bo Dios a Skohe abo, for di tur e pueblonan ku tin riba superfisio di tera, pa ta un pueblo Spesial pa Su mes. (Deuteronomio 7:6). Ma boso ta un rasa Skohí, un Saserdosio Real, un nashon Santu, un pueblo Pekuliar, pa boso por Proklamá e Alabansanan di Esun ku a yama boso for di skuridat na Su Lus Maraviyoso (1 Pedro 2:9).

Dios a Skohe Israel i Juda i a sera un Aliansa ku Israel i Juda, Dios a yama Israel i Juda Su pueblo, un nashon Santu. Pero Dios a skohe abo tambe ku no ta un Hebreo. Abo tambe ta Dios Su pueblo manera tin den Skirtura skirbi: I lo Mi sembr'é pa Mi mes den e tera. Tambe lo Mi tin kompashon ku esun ku no a haña kompashon, i lo Mi bisa esnan ku no tabata Mi pueblo: 'Boso ta Mi pueblo!' I nan lo bisa: 'Bo ta mi Dios!' (Oseas 2:23). "Lo Mi yama esnan ku no tabata Mi pueblo: 'Mi pueblo,' i esun ku no tabata Stimá: 'Stimá. "I lo sosodé ku na e lugá na unda a wòrdu bisá na nan: 'Boso no ta Mi pueblo,' einan nan lo wòrdu yamá yunan di e Dios Bibu." (Romanonan 9:25-26).

**Yeshua: e Lei, e Enseñansa di Dios Tata!!!.**

"Mi a sera un Aliansa ku Mi Skohí; Mi a hura na David, Mi sirbidó: 'Lo Mi stablesé bo simia pa semper, i edifiká bo trono pa tur generashon.'" (Salmo 89:3-4). Pasobra SEÑOR a Skohe Sion; El a deseá esaki komo Su Habitashon. (Salmo 132:13). Pasobra SEÑOR a Skohe Jakòb pa Su mes, Israel komo Su Tesoro Pekuliar. (Salmo 135:4).

Dor di Yeshua, Esun Ungi abo tambe por ta parti di Israel i Juda, pa medio di e Sanger di Yeshua, Esun Ungi. Pasobra Yeshua, Esun Ungi mes ta nos Pas, nos Saserdote Real, e Lus Maraviyoso. Yeshua, Esun Ungi i a bini na mundu pa hasi e Hebreo i esun ku no ta Hebreo bira ún, Ún Hende Nobo. Yeshua, Esun Ungi a bin prediká Pas na e Hebreo i esun ku no ta Hebreo. Pasobra pa medio di Yeshua, Esun Ungi nos tur tin nos entrada den ún Spiritu serka Dios Tata.

Pa e motibu aki Yeshua, Esun Ungi a bisa: "No kere of pensa ku Mi a bin pa abolí of anulá e Lei of e Profetanan; Mi no a bin pa abolí of anulá, sino pa kumpli i klarifika. (Mateo 5:17).

10 mei 2020

Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley.